

靈寶无量度人上經大法卷之二十八 失

玄憲仙格品

上品

玄師曰功過罪福大則增減年壽小則促延齡算有三品九等皆奉玄都省天禁光

宜遵奉

上等上格除增三紀

上等中格除增二紀

上等下格除增一紀

中等上格除增十年

中等中格除增七年

中等下格除增半紀

下等中格除增五年

下等下格除增三年

上等上格減益二百四十算

上等中格減益一百二十算

上等下格減益一百算

中等上格減益九十算

中等中格減益五十算

中等下格減益三十算

中等下格減益四十算

下等上格減益三十算

下等中格減益二十算

下等下格減益一十算

玄師曰凡小善小惡更有減益十算已下

至一算者太極玄能真人曰能造上品上

等之功不可冒上品上等之罪小善須令

一日一注小惡須是一日一消積小善成

大功消小惡成大善上等之功雖造上品

之罪不原學士誦之則享丘山之福慢之

則獲萬劫之厄

中品

玄師曰男仙高曰天尊女仙高曰元君形

神未獲俱妙尚有肉質尸骸不許封稱有

功塵世大功三年中功七名下功九年一

遷无功者並七百日一墜初日校職除曹

次入水官山川主者次地官靖廬福地主

者次洞天主者次十洲三島仙官漸進入

於天官凡行功於世立十德大功行化之

士內外功全迎神校職之所太陰鍊尸年

限足日合形仙飛如功德內外不備分种

治事建邸於天地水之陰曹也入此玄階

清品須奉斗受書落剎死名上生南曹功

德發於改正墜入仙階年限比技亦許遷

於仙品委有冒越三官糾勅可不慎守犯

之退品除年罰功墜事

三天執筆伏魔持法使者初受法進入仙位

太上執法弟子仙士真士

已上八發改正

太上玉階執法仙士太上玉階執法真士

太上玉階執法仙官太上玉階執法真官

太上玉壇執法仙官太上玉壇執法真官

已上十發改正

南宮少微執法真官南宮太微執法真官

南宮元微執法真官南宮妙微執法真官

南宮靈微執法真官

已上十五發改正洞玄洞淵微洞神洞靈太極太清紫微大有

天曹執法仙監

已上有仙監七階

天曹執法仙卿

已上二十發改正

太極執法真卿 太極執法真卿

洞神執法真卿 洞神執法真卿

太清執法真卿 太清執法真卿

上清執法真卿 上清執法真卿

玉清執法真卿 玉清執法真卿

已上三十發改正

太極執法真宰 太初執法真宰

太元執法真宰 赤明執法真宰

元明執法真宰 太虛執法真宰

耀明執法真宰 竺落執法真宰

虛明執法真宰 觀明執法真宰

玄師曰此法十位比諸天丞相之列並五

十發改正一陞四十發改正入已上十位

仙宰自此已下入色界太煥元戴太安顯

定始皇孝若翁重无思阮樂无極皓庭元

洞執法仙宰執法上仙執法真宰並六十

發改正入仙宰七十發改正入上仙八十

發改正入真宰已上入无色界天太文太

素无上太釋梵度平育執法仙宰執法上

仙執法真宰太清執法真宰上清執法真宰玉清執法真宰

玄師曰此位並九十發改正入仙宰一百發改正入上仙百二十發改正入真宰漸入真人之位並上帝特封兼諸天諸地諸

水仙職亦是特封次進入天機內省天機都省太玄都省之任委發改正兼申天省比魔勒會非魔司校靈魔實功制魔司舉

勳魔三官五帝保奏諸天列言方陞品秩退降亦同非洞微百神神道天司莫詳其

與別有天真仙格神朝金闕日付之在賜衣建邸朝元參斗洞視按局大定七經功足方悉上玄至理

下品

玄憲仙格上品上格弑亂悖逆背叛征謀

玄都律曰弑父與君妻害師長亂於天地五常道德紀綱毆悖君師父母怒毀違背師尊

父母棄正入邪販誠妖巫姪亂骨肉六親通同陰謀殺害並削名仙籍罰功墮事上負九

祖下及七玄中及一身承受風刀之考萬劫

不原後生禽獸之身非人之報永无仙冀除壽一紀

玄憲仙格上品中格輕泄漏慢毀惡欺奪玄都律曰輕忽君師父母三寶尊像靈文不依年限妄泄三寶三洞禁經秘典法籙符圖

漏泄天地五行識諱未然神具天機密諱禍福不恭敬君師父母典禁靈文毀壞三寶尊像君師父母常住一切之物毆罵謀害殺戮

道德五功六親之人敗毀教業生不信心面奉背毀改其節志奪劫巧攻取三寶聖典

君師父母七德之人物色衣具並削名仙格罰功墮事負累九祖七玄中及一身死入長夜三塗苦報永於千劫不原後生蟲類非人

不相之形除壽二紀

玄憲仙格上品下格殺害姪盜

玄都律曰殺傷一切物命害陷一切生靈姪色无度夫婦不以禮交偷盜一切萬物並削

退仙品罰功墮事負於祖考子孫中及一身死沉地獄三赦不原見世招孽盲喑顯不痊

之相折壽一紀

玄憲仙格中品上格破齋犯戒貪慾嫉妬憎妬
玄都律曰嗚食五辛三厭飲酒過度故嗜六
畜禽蟲之肉破齋私情如餐葷穢入齋喜怒
賞罰不節巧偽貪求无厭所欲氣氤无足妬
於勝已憎其不及嫉害善人擬願沉惡恨妬
心懷力不勝彼常操惡心並迷落仙品三等
罰功墮事九年除壽六年退齋一年補過善
功一百二十贖罪

玄憲仙格中品中格狡佞苟妄惡聲華綺穢
污呪罵

玄都律曰狡心百曲嫌疑多端苟欲施為成
敗奉上忽下佞於一時妄偽百端語行不實
怒聲衝吼自尊自大背正信邪不明真假喜
曲憎直細察求奇評論一切是非真假行住
坐卧務於華綺性志不能返於朴素穢汗清
淨五葷觸染姪語交集清晨呪罵普怨天地
風雨五行鬼神行諸厭祝並退落仙階二品
罰功墮事五年除壽二百四十退齋三百日
補過善功九十贖罪
玄憲仙格中品下格竊詐欺昧意欲諸惡

玄都律曰暗中竊物負欠不還因借不償因
便取匿拾遺巧智因公為私詐言詐文取浮
取實以偽作真幻妄惑感驕於天人欺心欺
神暗中恣為罔昧三光天地善人心思意想
欲為諸惡並退落仙階一品罰功墮事三年
除算一百二十退齋百日補過善功五十贖
罪

玄憲仙格下品上格

玄都律曰毀毀五穀拋棄恩仁負盟負誓剪
汗絲帛不信不義不仁不慈无推讓之心无
拯救之念无的實之約无和睦之情並退仙
格三品罰功墮事一年退齋七十日補過善
功三十贖罪

玄憲仙格下品中格
玄都律曰輕賤孤貧老幼不濟山林寒栖道
士不修破壞未成功德不助善人因病衣食
毀壞山林塚墓自安以勢逼脇危人不救斫
伐生旺草木將有作无昧心罔人占卜天地
星辰祥異侵近王侯勢力以智網羅生物奉
上有乖撫下有闕香華自用崇兼不專並退

仙格二品罰功墮事半載退齋五十日補過
善功二十贖罪

玄憲仙格下品下格

玄都律曰妄言天司具靈之言假自己德行
希求恩福恐嚇世俗漏言行道取於人知移
改簽緘印章符書窺人私事啓封擊鎖紀錄
小過踏踐案擦細微衆生考罵卑賤醉酒叫
呼寒餓傭使許願不償毒害敗毀五行之物
橫入是非飲食務精鞭考六畜籠繫禽蟲香
火不潔拜禮草創於醮祭不潔章檄不謹敬
尊失禮科章失儀並退落仙階一品罰功墮
事九十日退齋一月補過善功一十贖罪

諸天尊諱品

三十二天尊音

皇曾天帝開玄攝明玉完天帝保玄道靈何
童天帝實生父具平育天帝飄翰默然文舉
天帝開生舒越銜天帝鏡无翹濠翳天帝阿
難洋明摩夷天帝延虛明和陽天帝治安保
仙恭華天帝飛音洞靈宗飄天帝鬱貞英星
笏天帝難玄明堂曜天帝彌綸玄明端靖天

帝朗觀曜明奉慶天帝威清道玄極瑤天帝
洞具永觀孔昇天帝闕光竟真皇崖天帝暉
英阿魂極風天帝回翹威莽芒天帝君華大
權浮容天帝惠威光江由天帝朗法元阮樂
天帝鬱元真靈誓天帝飛天虛英實度天帝
元清明元洞天帝法權道先妙成天帝靈勳
惠元禁上天帝陽威曜清常融天帝攝玄靈
真騰勝天帝空微道明梵度天帝掬靈妙光
賈奕天帝永玄久生

此諸天帝五諱皆以赤品之碧字刺之秘
於上清帝官乃諸天帝正者不傳下世其
經中之諱乃隱名也皆空洞自然靈章九
和十合變化上清无量之奧深不可詳論
之萬編白日登真所謂我有洞空萬編成
仙蓋此言也

三十二天隱音

皇霄天帝諱覺觀玉完天帝諱攬覺何童天
帝諱大覺平育天帝諱育王文舉天帝諱梵
雲摩夷天帝諱玉真越衡天帝諱无上渡翳
天帝諱吁育和陽天帝諱煥明恭華天帝諱

世元宗飄天帝諱洛覺皇茹天帝諱韶堂曜
天帝諱雲上瑞靖天帝諱淨生恭慶天帝諱
鏡極瑤天帝諱麻奕孔昇天帝諱猷皇崖天
帝諱宛極風天帝諱流孝芒天帝諱易邈浮
容天帝諱阿緝江由天帝諱阿丘阮樂天帝
諱无量靈誓天帝諱靈誓度天帝諱育元洞
天帝諱上妙成天帝諱陀禁上天帝諱隗騰
勝天帝諱浮黎梵度天帝諱精上常融天帝
諱極賈奕天帝諱惡奕

五老天君內諱

青帝天君諱閻開字靈威仰赤帝天君諱洞
浮極炎字赤燥誓黃帝天君諱通班元氏字
合樞紐白帝天君諱上金昌開字耀魄寶黑
帝天君諱黑節靈倉字隱侯局度生真人諱
扶義帝

五方五帝內諱

青帝諱常精明白帝諱混辱收赤帝諱炎洞
丹黑帝諱玄明萌黃帝諱麻忠順
此五帝乃經中言青帝護魂主册在天主
飛仙在地鎮王嶽主領鬼神在人主五職

領五神肝魂脾心蒸腎血胆主中宮主
於肌肉是以人法地地法天天法道道法
自然開成度之門教學仙元始開告為玄
元之範治玉京玄都之中與經云齊到帝
前是也

大羅天相玉清公諱麻奕上元真人諱曇願
南宮度命君諱吁育九華真人諱落空玉帝
諱麻奕

上清天帝君又曰紫晨天帝君諱玉真字
陀與乃无色之境梵行之天大梵之炁流
行既成之固自成九色光映不假三景上
耀故經云无色之境梵行天帝玉真蓋言
此也而出神景玉秀為道元標以龍漢而
來至赤明

摩訶者諸天呼元始天尊之隱號玄中太皇
諱易邈九華真人諱九靈月中夫人字綠羅
高上神霄玉清王諱韶南斗君內諱綠北斗
君內諱適南上更生之神諱飛生南上好生
君內諱猷四極上真人隱號景皇景霄真人
隱諱蔚太上道君內號宛首更生真人內諱

扶太陰都后九靈之母內號坤母天帝司命君內諱玄統領飛天十方神王好成神王諱育生天帝上相丈人亦號九天上真諱育主日真人諱吁主月真人諱員九天大帥內名那育四極真人官內名宛敷滌色度靈大仙師諱相空斗中四真人諱阿陀龍羅始青天帝諱浮黎藍生大神史生真人諱扶藪

百靈隱名品

五嶽帝君

中央后土姓冥諱董南嶽君姓榮名嘗西嶽君姓崇名壘北嶽君姓晨名業中嶽君姓憚名愛東嶽君姓歲名蒙

五天大魔王

青天魔王姓斌諱齒成巴赤天魔王姓佛諱由箭勢白天魔王姓赤諱張布黑天魔王姓徐諱直事黃天魔王姓天行諱波

五帝大魔王

青帝大魔王姓迫落諱萬刑赤帝大魔王姓緒諱上栢白帝大魔王姓鄧諱吁黑帝大魔王姓梟諱公孫黃帝大魔王姓宛躬諱產生

六神

長生大君諱吁青无英公子諱玄亥叔白无尊神諱洞陽君帝皇太一諱重冥空司命尊神諱理明初命門大神諱回亥字道康

太一在腦主衆神也司命主心納生元也无英在肝制三魂也白无在肺拘七魄也桃康在臍保精根也長生大君隨處變生為精血周流之主

三界魔王

欲界魔王諱郁默色界魔王諱摩羅无色界魔王諱韶三界飛天大魔王諱大醜玄都大神諱阿那太和玉女名鮮斗中靈童諱郁馥玄和玉女名道容南宮主火鍊池靈童諱婆沉切利天魔王諱咎通日中靈童諱少都天中羽林監神名逸天中侍宸諱空大梵神嬰名觀音火輪童子名无怒玉清掌火獄天官諱稼玉清斬邪大神諱那玉清飛天神王諱忽玉清萬化玉女諱訶玉清考察上吏諱流都上都神女名曲麗天機上相丈人諱育清精玉光大神名飛洒斗中二大神諱阿陀龍

羅生胎變胎大神名阿繼三天阿那大神諱育善首

靈寶无量度人上經大法卷之二十八